

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14) i pravosnažne Odluke o dodjeli ugovora, br. 11-1589-8/17 od 11.01.2018. god., a nakon provedenog otvorenog postupka javne nabavke za kontinuiranu nabavku svježeg mesa (junećeg i telećeg), dana 23.01.2018. godine u Sarajevu, zaključuje se

## OKVIRNI SPORAZUM ZA NABAVKU SVJEŽEG MESA (JUNEĆEG I TELEĆEG)

Između:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.occ. (u daljem tekstu: Ugovorni organ)

- i
2. **„SUŠA COMMERCE“ d.o.o. Visoko, ul. Donja Zimča bb, Visoko**, matični broj subjekta upisa 43-01-0284-09 (stari broj 1-7858), identifikacijski broj kod Porezne uprave FBiH Kantonalni ured Zenica 4218204740003, identifikacijski broj obveznika PDV 218204740003, koga zastupa Direktor Suša Osman (u daljem tekstu: Dobavljač)

### Član 1.

Ovim Okvirnim sporazumom ugovorne strane su se sporazumjele da će Dobavljač tokom cijelog ugovorenog perioda kontinuirano snabdijevati Ugovornog organa **svježim junećim i telećim mesom**.

Okvirni sporazum se zaključuje na osnovu provedenog postupka javne nabavke objavljenog na portalu javnih nabavki broj: 897-1-1-108-3-20/17 dana 01.11.2017. godine i pravosnažne Odluke o izboru ponuđača, broj: 11-1589-8/17 od 11.01.2018. godine.

Sastavni dio ovog Okvirnog sporazuma je prihvaćena Ponuda Dobavljača br. 160/2017 od 27.11.2017. godine, sačinjena prema specifikaciji iz tenderske dokumentacije Ugovornog organa.

### Član 2.

Ovaj Okvirni sporazum se zaključuje na period od **3 (tri) godine**, a najkasnije do finansijskog ispunjenja i izbora novog dobavljača.

U skladu sa **Ponudom Dobavljača maksimalna vrijednost ovog Okvirnog sporazuma iznosi 165.694,50 KM, bez uključenog PDV-a.**

Maksimalna vrijednost ovog Okvirnog sporazuma bazirana je na maksimalnoj okvirnoj količini svježeg mesa junećeg i telećeg, koja se planira nabaviti u toku trajanja okvirnog sporazuma. Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Dobavljač se obavezuje na nepromjenljivost ponuđenih cijena tokom cijelog ugovorenog perioda.

Ugovorni organ zadržava pravo potpune ili djelimične realizacije nabavke predmetnih roba po Tenderskoj dokumentaciji, a u skladu sa Zakonom o javnim nabavkama Bosne i Hercegovine.





### Član 3.

U toku primjene ovog Okvirnog sporazuma ugovorne strane će zaključivati jednogodišnje periodične ugovore, kojima će se detaljno regulisati prava i obaveze ugovornih strana.

Pri zaključivanju periodičnih ugovora ne mogu se mijenjati hitni uslovi iz ovog Okvirnog sporazuma.

U okviru ugovorenog perioda za pojedinačne nabavke roba koje su predmet ovog Okvirnog sporazuma neće se primjenjivati odredbe propisa kojima se uređuje postupak javnih nabavki.

### Član 4.

Ugovorne strane su saglasne da se svježe meso isporučuju sukcesivno, prema nastalim potrebama Ugovornog organa, na osnovu pojedinačnih narudžbi.

Dobavljač garantuje isporuku predmetnih roba naredni dan po narudžbi, do 10:00 sati ujutro.

Ugovorne strane su saglasne da se isporuka vrši vozilima Dobavljača, na adresu Ugovornog organa, te da se prilikom isporuke i prijema izvrši zajednički pregled dostavljene robe.

### Član 5.

Osnov za plaćanje nabavljenih roba jesu fakture/računi koje Dobavljač dostavlja Ugovornom organu za uredno izvršene nabavke, a na osnovu otpremnih dokumenata potpisanih od strane ovlaštenog lica Ugovornog organa i Dobavljača.

Ugovorni organ se obavezuje da će plaćanje vršiti zbirno mjesečno za svu robu isporučenu u toku jednog kalendarskog mjeseca, na osnovu ispostavljenih faktura-računa, i to u roku od 60 dana od dana prijema fakture.

### Član 6.

Dobavljač garantuje Ugovornom organu da u poslovanju sa hranom provodi redovan sistem kontrole sigurnosti hrane prema načelima HACCP-a, odredbama Zakona o hrani („Službeni glasnik BiH“ br. 50/04), odredbama Pravilnika o higijeni hrane („Službeni glasnik BiH“ br. 4/13), odredbama Pravilnika o higijeni hrane životinjskog porijekla („Službeni glasnik BiH“, broj: 103/12 i 28/14) i odredbama Pravilnika o usitnjenom mesu, poluproizvodima i proizvodima od mesa („Službeni glasnik BiH“ br. 82/13), da ispunjava propisane veterinarsko-zdravstvene uvjete za objekat, opremu i vozila namijenjena za proizvodnju, skladištenje, čuvanje i distribuciju proizvoda iz predmetne nabavke u skladu sa Pravilnikom o higijeni hrane, te da vrši redovnu dezinfekciju, dezinsekciju i deratizaciju objekata, opreme i vozila.

Dobavljač garantuje zdravstvenu ispravnost, kao i odgovarajući kvalitet isporučenih roba, koje su predmet nabavke (čl. 29.stav 3. Zakona o hrani), te se obavezuje da prilikom svake isporuke dostavi dokaz da je roba veterinarski pregledana i zdravstveno ispravna za ishranu.

### Član 7.

Ugovorne strane su saglasne u pogledu uvjeta koje Dobavljač mora poštovati prilikom isporuke robe:

- a) Dokumentacija – Svaka osoba koja sudjeluje u istovaru hrane mora kod sebe imati sanitarnu knjižicu koju na traženje odgovorne osobe za prijem hrane, mora dati na uvid;
- b) Prevozna sredstva – Vozilo kojim se vrši prevoz i isporuka robe iz predmetne nabavke mora udovoljavati propisanim higijensko-sanitarnim uslovima, mora se vršiti redovna dezinfekcija, mora biti uvijek čisto;
- c) Hrana koja je predmet nabavke – Hrana mora biti u propisanoj i adekvatnoj namjenskoj ambalaži (transportnoj i pojedinačnoj). Deklaracija mora biti na jednom od službenih jezika koji su u upotrebi u



BiH. Ukoliko postoji kategorizacija i/ili klasa proizvoda iz predmetne nabavke prema kvaliteti, ista mora biti naznačena na deklaraciji.

#### Član 8.

Ugovorni organ zadržava pravo da u slučaju isporuke robe bez dokaza da je roba veterinarski pregledana i zdravstveno ispravna za ishranu ili je neodgovarajućeg kvaliteta ili neodgovarajuće količine ili je isporučena u higijenski neurednim vozilima ili ambalaži (transportnoj i pojedinačnoj), izvrši povrat iste i da zahtijeva isporuku robe uz dokaz da je roba veterinarski pregledana i zdravstveno ispravna za ishranu, odnosno isporuku odgovarajuće robe po kvalitetu ili količini, odnosno isporuku u higijenski urednim vozilima ili ambalaži.

U slučaju povrata robe od strane Ugovornog organa zbog razloga navedenih u stavu 1. ovog člana, Dobavljač se obavezuje da će najkasnije u roku od 2 sata otkloniti razloge zbog kojih je izvršen povrat robe i isporučiti potrebnu robu.

U slučaju da Ugovorni organ na bilo koji način sazna da Dobavljač krši odredbe iz člana 6. i 7. Okvirnog sporazuma zadržava pravo da ovaj Okvirni sporazum raskine, uz prethodno pismeno upozorenje Dobavljaču na mogućnost raskida ugovora uz navedenje razloga za raskid.

#### Član 9.

Ugovorne strane su saglasne da se u toku trajanja Okvirnog sporazuma, prema ukazanim potrebama Ugovornog organa, može izvršiti nabavka roba koje nisu navedene u specifikaciji Ugovornog organa i Ponudi Dobavljača, koji čine sastavni dio ovog Okvirnog sporazuma, o čemu bi se ugovorne strane prethodno usaglasile.

Prijedlog za promjenu količine i vrste robe koju je potrebno nabaviti, Ugovorni organ je obavezan dostaviti Dobavljaču u pismenoj formi, radi postizanja saglasnosti o cijenama istih. Po dostavljenom prijedlogu Dobavljač je obavezan izjasniti se o mogućnostima isporuke i prijedlogu cijena u roku od 2 dana.

Ne postizanje dogovora u vezi sa eventualnim promjenama vrste i količine robe i cijena istih, predstavlja osnov za raskid ovog Okvirnog sporazuma.

#### Član 10.

Kao predušlov za stupanje na snagu ovog Okvirnog sporazuma, Dobavljač će obezbijediti garanciju za uredno izvršenje ugovora u obliku bezuslovne bankarske garancije u iznosu od 3% od ukupne vrijednosti Okvirnog sporazuma, odnosno u iznosu od **4.970,84-KM**, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok zaključenja Okvirnog sporazuma + 30 dana.

Rok važnosti garancije je 3 (tri) godine od obostranog potpisivanja Ugovora.

#### Član 11.

Garancija za uredno izvršenje ugovora, kao garancija Dobavljača za dobro izvršenje posla i razumnju nadoknadu štete koja može nastati u slučaju da Dobavljač prekrši zaključenju Okvirni sporazum i ugovor, realizuje se u sljedećim slučajevima:

- u slučaju raskida Okvirnog sporazuma i ugovora krivnjom Dobavljača zbog kršenja odredaba zaključenog Okvirnog sporazuma i ugovora, pod uslovom da je prethodno pismeno obaviješten o svakom propustu da postupi po Okvirnom sporazumu i ugovoru i da u ostavljenom roku nije izvršio ispravku takvih propusta;
- u slučaju otkazivanja Okvirnog sporazuma i ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba Okvirnog sporazuma i ugovora od strane Ugovornog organa;





- u slučaju kada je zbog kršenja odredaba zaključenog Okvirnog sporazuma i ugovora od strane Dobavljača, za Ugovorni organ nastupila šteta i neplanirani troškovi, a ugovorne strane se usaglasile da zaključeni Okvirni sporazum i ugovor i dalje ostanu na snazi, pod uslovom realizacije garancije na ime nastale štete i prouzrokovanih neplaniranih troškova.

Naplata garancije za uredno izvršenje ugovora vrši se u iznosu stvarno nastale štete i neplaniranih troškova za Ugovornog organa, nastalih u periodu važenja ovog Okvirnog sporazuma.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza okvirnog sporazuma i ugovora, odnosno u roku od pet radnih dana od dana postizanja dogovora u slučajevima iz alineje 3. stav 1. ovog člana.

Ukoliko do isteka važnosti zaključenog Okvirnog sporazuma ne nastupi ni jedan navedeni razlog koji bi zahtijevao realizaciju garancije za uredno izvršenje ugovora, povrat sredstava garancije iz člana 10. stav 1. ovog Okvirnog sporazuma, vrši se u roku od pet radnih dana od dana prestanka važnosti Okvirnog sporazuma.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključeni ugovor će se smatrati apsolutno ništavim. U tom slučaju ugovorni organ će ponuditi zaključivanje ugovora drugorangiranom ponudaču.

#### Član 12.

Svi uslovi iz tenderske dokumentacije broj: 11-1589-1/17 od 30.10.2017.godine i ponude Dobavljača br. 160/2017 od 27.11.2017.godine, čine sastavni dio ovog Okvirnog sporazuma.

#### Član 13.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

#### Član 14.

Ugovorne strane se obavezuju na pridržavanje zakonskih propisa, čuvanje poslovne tajnosti i pridržavanje poslovnih običaja.

#### Član 15.

Odredbe ovog Okvirnog sporazuma ne mogu se mijenjati nakon njegovog zaključenja.

#### Član 16.

Ovaj Okvirni sporazum stupa na snagu danom potpisivanja obje ugovorne strane.

#### Član 17.

Eventualno nastale sporove pri realizaciji ovog okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 18.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih ovim Okvirnim sporazumom i Zakonom o obligacionim odnosima.

Član 19.

Ovaj Okvirni sporazum je sačinjen u četiri /4/ istovjetna primjerka, od kojih svaka ugovorna strana zadržava po dva /2/ primjerka.

  
DOBAVIJAC  
  
Brij: 45/2018  
Datum: 26.01.2018.

  
UGOVORNI ORGAN  
  
Brij: 1189-10/17  
Datum: 23.01.2018.god.